



REPUBLIKA E SHQIPËRISË
Kuvendi

PROJEKTLIGJ

Nr. ____ / 2021

PËR

DISA NDRYSHIME DHE SHTESA NË LIGJIN NR.61/2012,
“PËR AKCIZAT NË REPUBLIKËN E SHQIPËRISË”, TË NDRYSHUAR

Në mbështetje të neneve 78, 83, pika 1, dhe 155, të Kushtetutës, me propozimin e Këshillit të Ministrave, Kuvendi i Republikës së Shqipërisë

V E N D O S I:

Në ligjin nr.61/2012, “Për akcizat në Republikën e Shqipërisë”, të ndryshuar, bëhen këto ndryshime dhe shtesa:

Neni 1

Shkronja “d, e nenit 14 “Rimbursimi”, shfuqizohet.

Neni 2

Pas pikës 2 të nenit 18, “Mënyra e llogaritjes”, shtohet pika 3, me këtë përmbajtje:

“3. Akciza e llogaritur në njësinë matëse, sipas seksioneve respektive dhe sipas shtojcës nr.1, të këtij ligji, indeksohet çdo dy vjet bazuar në normën e shpallur të inflacionit për dy vitet paraardhëse, me përjashtim të duhanit dhe



TRIAL STUDIO

nënprodukteve të tij, për të cilat akciza do të aplikohet sipas kalendarit të përcaktuar në shtojcën nr.1 që i bashkëlidhet ligjit.

Në vitin 2022, akciza indeksohet me normën e shpallur të inflacionit të vitit 2020 plus normën e rezultuar të shpallur të inflacionit deri në fund të 9-mujorit të vitit 2021.”.

Neni 3

Në nenin 41 “Aplikimi i pullave fiskale”, pika 8, shkronja “ç” paragrafi “*për sigurimin e pranisë së autoriteteve doganore gjatë procesit të vendosjes së pullave. Procesi i vendosjes së pullave fiskale fillon pas sigurimit të prezencës së autoriteteve doganore. Në përfundim të procesit hartohet procesverbali përkatës, në të cilin pasqyrohen të gjitha të dhënat, në lidhje me pullat e vendosura, si dhe nënshkruhet nga përfaqësuesi i autoriteteve doganore dhe depozituesi i miratuar.*”, ndryshohet, si më poshtë vijon:

“Për mbikëqyrjen e procesit të vendosjes së pullave, autoritetet doganore kompetente, i kërkojnë operatorëve të autorizuar të marrin masa për të siguruar mbikëqyrje nëpërmjet vendosjes së kamerave, paraqitjes së rakordimeve për çdo proces pullosjeje, si dhe njoftimit paraprak 3 ditë përpara zhvillimit të procesit. Në çdo rast që e konsideron të arsyeshëm, autoriteti doganor kompetent mund të sigurojë prezencën e tij dhe mbikëqyrje të procesit.”.

Neni 4

Në nenin 51 “Produktet që paguajnë akcizë”, pika 3 shfuqizohet.

Neni 5

Në nenin 90, bëhen shtesat dhe ndryshimet e mëposhtme:

1. Në pikën 1 deri në pikën 5, të tij, kudo ku përmendet shprehja “...2 për qind...” të zëvendësohet me “...2 për qind të sasisë kontabël të llogaritur për periudhën objekt kontrolli...”.
2. Në pikën 4, në fillim të fjalisë shtohen fjalët “Në rastet e produkteve të denatyrara...”.
3. Në pikën 8, hiqen fjalët “... të destinuara për eksport ...”.
4. Pika 10 ndryshohet, si më poshtë vijon:

“10. Tepricat ose mangësitë në pulla fiskale, të konstatuara gjatë kontrollit të magazinave fiskale, përbëjnë kundërvajtje administrative dhe ndëshkohen me gjobë nga 20 000 lekë deri në 50 000 lekë në varësi të rasteve të përsëritura. Pagesa e gjobës, në asnjë rast nuk shmang

shkelësin nga pagimi i detyrimit të munguar të akcizës, për sasinë e pullave me diferencë.”.

Neni 6

Në nenin 92 shifra “... 500 000 lekë ...” zëvendësohet me “... 50 000 lekë ...”.

Neni 7

Neni 94/1 ndryshohet, si më poshtë vijon:

“Neni 94/1

Shkeljet në qarkullim të pullave fiskale.

Tepricat ose mangësitë në pullat fiskale mbi 2 % të sasisë kontabël të llogaritur për periudhën objekt kontrolli, të konstatuara gjatë kontrollit të operatorëve ekonomikë, të cilët nuk janë depozitues të miratuar, përbëjnë kundërvajtje administrative dhe dënohen me gjobë në përputhje me përcaktimet e shkronjës “b”, të nenit 259, të ligjit nr.102/2014, “Kodi Doganor i Republikës së Shqipërisë”, të ndryshuar. Pagesa e gjobës në asnjë rast nuk shmang shkelësin nga pagimi i detyrimit të munguar të akcizës, për sasinë e pullave me diferencë.”.

Neni 8

Në nenin 95 bëhen ndryshimet, si më poshtë vijon:

1. Në paragrafin e parë, hiqet fjala “...eksportimi...”.

2. Shkronja “a” ndryshohet, si më poshtë vijon:

“a) Në çdo rast të konstatuar, me gjobë sa 5-fishi i detyrimeve të akcizës që duheshin paguar për sasinë e produktit të gjendur të pa markuar/shenjuar apo ngjyrosur, bazuar në rezultatet e analizimit/testimit;”.

Neni 9

Në nenin 97, pika 4 ndryshohet, si më poshtë vijon:



TRIAL STUDIO

“4. Në rast se konstatimi i shkeljes, sipas këtij ligji, bëhet a posteriori nga strukturat doganore kompetente ose nga struktura të tjera hierarkike doganore apo të kontrollit, sipas legjislacionit në fuqi, kopja e

procesverbalit të nënshkruar nga punonjësit doganorë apo përfaqësuesit e strukturave kontrolluese, që ushtruan verifikimin dhe kontrollin, i njoftohet shkelësit nga autoriteti doganor kompetent brenda 5 (pesë) ditëve kalendarike. Në procesverbal përcaktohet edhe e drejta e shkelësit për të paraqitur pretendimet e tij me shkrim, brenda 10 (dhjetë) ditëve kalendarike, pranë autoriteteve doganore kompetente.”.

Neni 10

Në nenin 99, pika 2, fjalët “... brenda 10 ditëve ...” zëvendësohen me “... brenda 60 ditëve...”.

Neni 12

Në nenin 105 bëhen këto ndryshime:

1. Pika 4, fjalët “... brenda 30 ditëve ...” zëvendësohen me “... brenda 60 ditëve ...”.

2. Pika 6, ndryshohet si më poshtë vijon:

“6. Kundër vendimit të drejtorit të Përgjithshëm të Doganave, ankimuesi mund të ankohet pranë autoriteteve gjyqësore, brenda 45 (dyzet e pesë) ditëve nga data e njoftimit të mospranimit të ankesës, ose brenda 45 (dyzet e pesë) ditëve nga mbarimi i afatit të shqyrtimit të ankimit, të përcaktuar në pikën 4, të këtij neni.”.

Neni 13

Shtojca nr.1 “Mallrat e tatueshme me akcizë në Republikën e Shqipërisë”, bashkëlidhur ligjit, zëvendësohet me shtojcën nr.1 “Mallrat e tatueshme me akcizë në Republikën e Shqipërisë”, që i bashkëlidhet këtij ligji.

Neni 12

Ky ligj botohet në “Fletoren zyrtare” dhe i shtrin efektet nga data 1 janar 2022.

K R Y E T A R I



LINDITA NIKOLLA